

ieuffe dit ma premiere Messe. Le lendemain le Pere Daniel me rendit le mesme office de charité. Depuis ce temps-là ie n'ay manqué vn feul iour à dire la Messe quoy que ie fusse bien foible.

Iauois auffi dit vne neufueine de Messes à l'honneur des neuf cœurs des Anges, pour obtenir la grace de pouuoir faire les genuflexions deuant le Roy des Anges, à l'Autel: mais nostre Seigneur à voulu encor que ie fusse redeuable à sa saincte Mere de cette faueur ne me l'ayant octroié que vers le temps de l'Annonciation, afin de pouuoir rendre cét honneur exterieur au mystere de l'Incarnatiõ saincte. Si V. R. iuge que cecy doieue feruir à refueiller la deuotion à l'endroit de nostre Dame l'inferant dans la Relation, elle en fera ce qu'il luy plaira.

Le 14. arriua à Kebec vne chaloupe laquelle nous apporta le Pere Claude Quentin & le Pere Claude Piart. Les vens contraires retardans leurs vaiſſeaux animoit nostre affection, & leur presence combla nostre ioye.

[285 i.e., 281] Le 16. parut enfin vn vaiſſeau qui vint mouïller deuant Kebec. Il estoit commandé par Monsieur Fournier.

Le 19. vne barque montant aux trois Riuieres, i'enuoyay le Pere Paul Ragueneau pour s'embarquer dans quelque canot de Huron; s'il s'en presentoit.

Le 22. nos Peres des trois Riuieres m'enuoierent vn canot à kebec, afin que ie m'embarquasse au plustost pour venir au deuant de ces peuples, que l'on disoit deuoir arriuer dans peu de iours. Aiant porté cette nouvelle à Monsieur nostre Gouverneur, il me dit que dans deux iours luy mesme partiroit, pour se trouuer auffi à la descence de ces nations, & que nous